


Maandishi na picha: Willem de Vink

Jesu Masihi

MUTU ARIYEGALUZA URUNG'MENGU



NI NONI...



Baraka: Ni vitu vyosi vidzo ambavyo Mulungu yunamala kuvapa au yaratu ambavyo yanahenda chila ahenzacho (p10-11).

Biblia: Kahi za Biblia unaweza kusoma viratu Mulungu ayalolavyo au na vyo avashuhulikiravyo.



Dambi: Mambo huhendago chinyume na mahenzi ga Mulungu ambago nikuhuzulia fwifwi kufikira mupango wa Mulungu ariwo nawo kpa ajili yehu.

Imani: Kung'mamini Mulungu kpa cho arichoahidi kuchihenda.



Jesu: Dzina ra Ng'mana wa Mulungu, maanaye, 'Mulungu yunaokola'.

Kuuya: Chila chitu chindakala chisha wakati Jesu andihouya urung'menguni. Mulunguni na tsi zindagaluzwa ni Mulungu.



Malaika: Muhung'ma wa Mulungu asiyeonekana (p.5).

Masihi: Mufwalume 'Muhakpa Mafuha'. Masihi (neni ra Chieburania) ridzitafusiriwa kpa Chigiriki here Kiristo.



Mavoyo: Kugomba na Mulungu, chimoyomoyo hedu kpa sauti na kumusikiza iye.

Musalaba: Chombo cha mateso ambacho chehumirwa kumusulubisha Jesu kpa kuhenzakpe ng'menye. Idzikala ni alama kpa afuasi yosi ya Jesu.



Musamaha: Mulungu yunasamehe, idzahokala kakuna mutu aviryaye. Mulungu yunasamehe ichikala jeri uwe udzitubu dambi na unahenza kugaluka. Musamaha unapatikana kpa sababu Jesu wehala adabu zehu ambazo fwifwi were hunavirya kuzipata.

Ng'mana wa Mulungu: Dzina ra Jesu. Ni Mulungu ariyekudza duniani here mudamu, here Ng'mana wa Mulungu.

Ng'manafunzi: Mufuasi wa Jesu.

Pasaka: Ni sherehe ya kufufuka kpa Jesu. Chanzoche, sherehe iyo yere ni kukumbukira ukombozi wa Anaiziraeli kombola itsi ya Misiri. Sherehe iyo yehwa Pasaka pia.

Roho Mutakatifu: Roho wa Mulungu ambaye yunamala kuishi ndani ya yamutuayo Jesu.

Shetani: Hadui wa Mulungu na ng'manadamu asiyeonekana. (Yunamanyikana here Mui).

Ufufulo: Jesu wefufuka kula chifoni. Siku ng'menga au yosi vandafufulwa kula chifoni. Kisha Mulungu yundamuhukumu chila ng'manadamu.

Ufwalme wa Mulungu: Ufwalme wa Mulungu haratu ambaho au yanamutuiriza.

Ushirika: Afuasi ya Jesu nikukumbukira chifoche na ufufulo kpa mukahe na divai.

Uzima wa kare na kare: Maisha hang'menga na Jesu here Mulungu arivyopanga. Uzima uu unashinda chifo na kauna ng'misho.



WAKATI WA JESU

Kare yehu inaanza kpa kuvyalwa kpa Jesu. Atu yesafiri kpa magulu hedu kpa punda, ngamia hedu dzulu za farasi. Sehemu bomu za Ulaya, Tsi za Maomborero ga dzua za kahi kahi, na tsi za Vurini ng'ma Afrika zere zinapesa ya Chirumi. Atu anji kayamanyire kusoma na kpandika, lakini Ayahudi kahi za Iziraeli yekala yanaweza, ndo yachehwa 'atu ya Chitabu'.


Mulungu yunagomba kahi za Chitabu, kahi za Bibilia. Iye ni Muumbi wa chila chitu na yunamala kukala musena wa chila mutu. Jesu weonyesa riro lwazu lwazu.

JESU MASIHI NANI?

Jesu weishi karibu miaka 2,000 iriyochira kahi za tsi ya Iziraeli. Hunang'meha <Jesu Masihi> hedu <<Jesu Kiristo>. Ina maana kukala ni mufwalume. Idzahokala si mufwalume tu. Jesu yunehwa <Ng'mana wa Mulungu>> na pia <<Ng'mana wa atu>. Ii ina maana kpamba iye ni Mulungu na ng'manadamu. Historia ya maisha ga Jesu idzelezwa kahi za Bibilia. Ni historia bomu chila wakati.



IZIRAELI WAKATI WA JESU



Mudzi mubomu: Jerusalemu

Majimbo: Galilaya, Samaria, Juda

Ubomu: Kilomita 28,000 muraba.

Tabia ya itsi (hali ya hewa):


Nusutiropiki.

Siasa: Hangu ng'maka wa 63 kabila ya Kristo Aiziraeli yetawalwa ni Arumi.

Serikali: Gavana wa Chirumi, Pontio Pilato, yunatawala Iziraeli. Tiberio, kaisari wa Chirumi were ni mubomu Pilato.

Dini: Uyahudi. Ayahudi yere yana hekalu Jerusalemu. Makuhani yere yakahenda chila aina ya kazi ya dini na kpere kuna alimu (here viratu Mafarisayo) ambayo sutu yalongoze atu kahi za mafundisho ga Bibilia.


Luga: Chieburania (luga ya Ayahudi), Chigiriki (luga ya chimataifa), Chilatini (luga ya Arumi).



Kpa noni atu anji vadzorerana muhoni?



Kalani tayari,
Ufwalume wa
Mulungu unadza.



Anzani maisha masha.



Tsoka ra hukumu ya Mulungu ridzikpa kare ho sinani kuikata miziji ya muhi...



Chila muhi usiwoyala matunda madzo undakatwa na utsuhiwe mohoni.

Fwifwi hosi nikpenda pia hukakatwa. Nani awezaye kuishi maisha madzo?

Hakika. Kakuna mutu awezaye kuchimbira hukumu ya Mulungu. Lakini baada ya mimi, yunadza ye andiyegagaluzza kabisa maisha genu.



Vidze, jeri munamala maisha genu gagaluzwe? Bai ungamani dambi zenu na mudze mubatizwe kahi za madzi gaga.





Vivi mudzihendwa asafi kula kpa zo dambi zenu. Sasa mutayari kpanza maisha masha.

Atu vosi vanang'meha ye muhubiri ariye ho muhoni, Johana Mubatizi....

Mimi si muhimu. Ninamutayarishira njira ye andiyekudza kuhumanyisa Mulungu nani. Iye yundamubatiza kpa Roho wa Mulungu na kpa moho. Utu uwo undavagaluzza kamare.



Na baadaye...



Mimi sutu nibatizwe ni uwe!



Uwe henda tu. Ndo hundatimiza mahenzo ga Mulungu.




Baba, ufwalumeo naudze na uhenzaro narikale.





Halafu sauti inanena kula mulunguni...

Ee! Uwe ndiwe Ng'manangu muhenzwa, nihamirwaye nawe.



Nin g'manzow an goro yehu ii ndoJ ohana Mubatizi arihovatayarisha Aiziraelik uhusuk udza kpaM asihi. Wakati uu Iziraeli ni sehemu tite ya utawalam ubomuw aC hirumi.



Ayahudi, kahi ya tsiy a Iziraeli vanadzisikira anyongen ak onerwa. Atuv anautariza kpa hamu wo wakati Masihi andihokudza. Masihi yuyu, n diye Mokoli ambaye kudzakpe kpeahidiwa kahi za maandiko ga Ayahudi. Iyey undayemerera hachiy aM ulungu.

Haratu muho wa Jorodani, J ohanaM ubatiziy unamolohaJ esu here ng'manan g'onzi wa kombozwa sadaka.



Lolani siyuya ye Ng'mana Ng'onzi wa Mulungua usaye dambi za urung'mengu.



Baaday aJ esuk ubatizwa, welongozwa ni Roho wa Mulunguk pendan yikani.

Wekala kuko siku mirongom ineu siku na muchana. Kuko were karyac hochosi. Kulaizan ak ufunga na kuvoya Jesu wemanyal wazu kazi ya kpakpe ni noni.



Ili awezek ufaulu, J esus utu aumanyishe urung'mengu mahenzog aM ulungu. N i mupangow aM ulungu kukala atuv aikpeh uruk ulak pa kogoha chifo.

Jesu yunajezwan iS hetani, m utawaliw ac hiza asiyeonekana, autawalaye urung'menguk pa chifon a ui.



Baba. Nindahenda rorosi urihenzaro.


Lakini Shetani, mupinzaniwe, yunajeza kumupa Jesu maazo mai ili apate kumulemba lemba asihende kazi ya Mulungu.

Ichikala uwe u Ng'mana wa Mulungu jeri, bai galuza gano mawe gakale mukahe.

Aa! Yeandikpa kahi za chitabu cha Mulungu: Mutu kandaishi kpa mukahe tu, ela kpanza yunahitaji maneno agombago Mulungu.



Lola. Nindakupa mamulaka gosi ga duniani ichikala undanizamira na uniabudu.




Baada ya gago, Shetani yunamuricha Jesu, kpa wakati uwo. Malaika vanadzamuhumikira.




Jesu yunauya Jimbo ra Galilaya kula nyikani kuno yudzodalwa ni Roho Mutakatifu. Jesu wekula kahi za jimbo riri rirokala na atu anji naro rere ri vurini ng'ma Iziraeli. Jesu atseemberaho, atu anji ni kudzunga naye. Vanaaza na kudzuza uza chamba Jesu ndiye ye Masihi ambaye vo alombi veandika kumuhusu....

Harusi inahendeka kahi za mudzi wa Kana
uriwo kahi za virima vya Galilaya...



Jesu pia yuhaho kahi za
nyambura iyo, hang'menga na
mameye, na sehemu ya asenae.





Lakini kahikahi ya nyambura...

Kpa bahati mbii, divai ichigoma.

Hendani rorosi riratu Jesu andirong'mambira.



Dzazani madzi go mafinikiro mabomu, halafu hekani mukamupe ye mubomu wa nyambura ili atate.



Gaga se madzi keheri. Lakini ni divai iriyo mbidzo sana.



Hebu tata. Uwe udziyika divai mbizo hata ng'misho.



?




Sidzangbe kpenda kahi za nyambura dza ii. Sidzangbe kona madzi gachigaluka divai, kisha divai iriyo mbidzo sana.

Iyo ndiyo iriyokala kazi ya kpanza ya Jesu wa Nazareti.

Lakini yuno nani?

Kaperinaumu ni mudzi wa avuvi uriwokala kanda kanda ya zia ra Galilaya na were unamaenderero. Haho ndiho Jesu arihoanza kugomba dzulu za ufwalume wa Mulungu.



Petero, nahurike dau muhadi chinani, na mutsuhe nyavu zenu kuko.

Na haho ndiho arihovatsagula anafunzie va kpanza.




Bwana, hudzihenda kazi usiku wosi na kahugbirire chitu.

Lakini kpa kukala udzigomba vivyo...



Loo! Samini kamare.






Jakubu, Yohana,
nzoni hano!
Kahudzagbira
samaki anji dza
vivi!



Niukira Bwana.
Kpani mimi ni
mudambi.

Usogohe,
Petero!



Nituani!




Nzoni munitue nami
nindavahendya avuhi va atu.


Jesu yunatsemblerera sehemu zosi za Galilaya hang'menga na anfunzive. Yunavafundisha atu vosi kuhusu ufwalume wa Mulungu. Yunahoza aina zosi za makongo na komboza pepo ai. Atu vanaangalazika na vanamutua. Anjine vanombola kula kahi za majimbo majine na Jerusalemu, mudzi mubomu wa Isiraeli. Vanasikiza kpa makini chila neno...




Baha vario achia, maana Ufwalume wa mulunguni ni wao.



Baha vario na nzala, maana vandashibishwa.



Baha varivo na shonono, maana vandafarijiwa.



Baha ng'ming'mi mutsukirirwaho ni atu kpa sababu ya mimi. Kalani na raha na mubige njerejere maana zawadi yenu ni bomu mulunguni.



Vahendereni atu anjine gosi mumalago vavahendere ng'ming'mi.



Yeyosi amulolaye ng'manamuche kuno yuna hamu ya kumupata, yudzizini naye kare ng'makpe moyoni.



Musihende wasiwasi kuhusu machero. Kpanza utsafuteni ufwalume wa Mulungu kpanza na go manjine gandadza badaye.



Vahenzeni mahadui venu na muvavoyere.



Dzitsoro ni taa ya ng'miri. Ichikala dzitsoro ni zima bai ng'mirio wosi undakala kahi za mulangaza. Ela ichikala dzitsoro ni kongo, undaishi chizani.



Gahendeni gaga ning'mambirago. Ndo mundahalanishwa na mutu yuyatu adzengaye nyumbaye dzulu ya ng'mamba. Musihogahenda mundahalanishwa na mutu ambaye yunadzenga nyumbaye dzulu ya mutsanga.



Hendani madzo chisiri bila kudzonyesa mbere za atu.



Kakuna mutu awezaye kuvahumikira mabwana airi, ni unamuhumikira Mulungu hedu unaihukumikira mali.

Siku ng'menga Jesu airihokala Kaperinaumu kahi za nyumba ng'menga, kundi bomu ra atu remuzunguluka kuno vanasukumana...

Kahuweza kamare kpenjira mumu ndani.




Lazima humuteremushe na godorore kuchirira dzulu za paa ya nyumba.

Kunani ko dzulu?



Varicheni! Vo asenae vana imani bomu.



Usamehewa dambizo.

Udzigasikira go? Yunawezadze yuno kugomba vyo?

Yunamukufuru Mulungu.

Mulungu hacheye ndiye awezaye kusaheme dambi.

Ni hiro ririro rahisi zaidi kung'mambira mutu ariyeholoza. <Usamehewa dambizo> hedu <Ema>.



Masihi yuna mamulaka ga kusamehe dambi lakini pia ninaamba: Hala godororo na wenende.





Vinangalaza!

Ee! Vivi mimi naweza kutsembera!

Lola yunanenda!

Lakini se vosi vahamirwao ni mahendo madzo ga Jesu.



Yuyu ni mutu ariye na mukono wa kuholoza. Vidze, ni sawa vino rero kuhenda dzambo ridzo?



Goloza mukonowo.



Ni lazima yuyu hung' mangamize!



Lola! Nidzihola!



Vilongozi va Jerusalemu sutu vaambirwe kukala mutu yuyu yunaangamiza taifa.

Musikumano wa atu uzidi, Jesu yunauka na anafunzive, na yunasafiri kpa dau kahi za zia ra Galilaya.







Ḑwana husaidie!
Hunazama!



Mbona munogoha? Vidze imani yenu ihiko?





Kuna mutu wa kupagawa ni pepo ai aishiye mirimani..




Siye! Lola salala!

Siye yunadza!



Ee Jesu!



Unani nami, Jesu! Ng'mana wa Mulungu ariye dzulu ya vyosi?

Muricheni, pepo ai!




Dzinaro ndiwe ani?





Nehwa Jeshi, maana fwifwi huanji.




Huruhusu hwenjire varatu ngulue.

Nendani!







Nang'mambira: Ng'mana kaweza kuhenda dzambo rorosi iye hacheye. Iye yunahenda riratu arihenzaro Baba. Senzi nihende nihenzaro, ela mahenzo ga Baba. Iye ndiye ariyenihuma mimi.



Jesu kawaidaye were akenda voya hatu hasiyo kululu.




Baada ya kuchesa kuvoya, Jesu yanavatsagula ahung'mi kumi na airi. Yunavahuma airi airi. Yunavapa mamulaka dzulu za pepo vosi ai na pia kuhoza makongo.



Vava ndo ndugu airi Petero na Anderea...



Ndugu vava airi Jakubu na Johana...



Filipu na Natanieli..

Tomasi na Matayo (ambaye hahoko kwanza were ni mutoza kodi wa serekali ya Chirumi).



Tadayo na Jakubu munjine.



Simoni (muhehezi) na Juda Isikarioti.



Nendani, yeyosi amuhocheraye ng' ming' mi, yunanihochera mimi, na yeyosi anihocheraye mimi, yunamuhochera ye ariyenihuma.



Mavuno ni manji ela ahenzi va kazi ni achache. Kpa vivyo, muvoyeni Bwana wa mavuno, ahume ahenzi va kazi kahi za mundawe vakavune.

Vo ahung' mi kumi na airi vanauya vachikala na raha sana dzulu ya kazi yao ya uhung' mi. Baada ya gaga, Jesu yunamala kpenda navo hatu chemba, lakini makundi ga atu kavenzi kamare kuvarichira.



Jesu yunenderera keheri kuhubiri na kuvahoza akongo. Sasa kunatswa...

Filipu, atu vano vosi vandapatadze chakurya? Kpa noni musivape chakurya chochosi varye?

Mushahara wa miezi mine kauweza chochosi kuvatosha atu vava.


Haha hana muhoho mung'menga yuna mikahe mitsano na samaki airi atite. Kakuna chinjine chochosi.

Vaambire atu vasagale vikundi vya atu mirongo mitsano mitsano.

Jesu yunamushukuru Mulungu...

Achenderera kugavya mikahe na vo samaki.

Maelifu ga atu vanariswa wakati Jesu
yunachizidisha chakurya chicho...



Sutu humuhendye
mufwalume.



Yuyu, hakika ndiye ye
Masihi atarizwaye.

Haya, lolani. Kuna
vikahana kumi na
viri vidzivyoodzala
tele, masaza.



Wakati ufika wa vava atu vende zao.
Ng'ming'mi pandani kahi za dau renu ili
muvuke. Mimi nabaki haha murimani nivoye.





Kuna atu vanamala vamuhendye Jesu mufwalume. Vavo vanakuluhira kpamba tsini ya utawala wa kpakpe, utawala wa Chirumi undauswa. Mbali na vivyo, apinzani va Jesu vanonjezeka. Vanenderera kumulaumu siku zosi. Vanamala kumugonganisha na atu na vang' mangamize.



Bwana ufika saa ngahi hano?

Vidze munitsafuta kpa sababu ya yo mikahe niriyoumupa?



Musishuhulike dzulu za chakurya ambacho chindola, bali tsafutani chakurya chenye uzima wa kare na kare.



Mimi ndimi mukahe wa uzima. Ng'miri wangu ndiwo undiwoombozwa kpa ajili ya uzima wa urung'mengu.



Vidze, yunawezadze kuhupa ng'miriwe ili huurye?

Upuzi muhuhu!




Hebu hinde zehu.

Yuyu ko endako be yunakenga chila mutu.



Vidze, nang'mi munamala ng'mende zenu?

Bwana, hwende kpani? Uwe una maneno garehago uzima wa kare na kare.



Konze ya mudzi wa Jerusalemu mara kpa mara atu ni kolagba. Vanasulubiwa, ambayo ndo adabu ya chifo ya chikatili ya Arumi.



Chikala mutu yeyosi yunamala kukala mufuasi wangu, sutu adzikane ng'menye, ahale musalabawe na anitue.



Mutu yeyosi amalaye kokola maishage ng'menye, yundagaamiza; lakini agaamizaye maishage kpa ajili yangu, yundagaokola.



Kuna budi kumanya kukala kuna Mulungu mung'menga tu.



Dzambo ririro bomu ni kumuhenzeza Mulunguo kpa moyowo wosi, na kuvahenza atu anjine here vyo udzihenzavyo uwe ng'menye.



Wakati uu, kuna vidzidzi vya atu va mahana kahi za Iziraeli. Mahana ni ukongo wa kutisha. Venye mahana kavaruhusiwa kugutana na atu varivo kavana mahana.



Atu venye mahana nikubiga kululu hohosi vendaho ili kuvonya atu anjine kukala vanadza.

Hatari! Hu atu venye mahana!



Jesu Bwana!
Honere mbazi.





Nendani mukadzonyese kpa makuhani.



Vidze, hwende kpa kuhani? Hukaping'me?

Vidze, baada ya haho, ndo hundahola?



? !




Lola! Nidzihola!



Hudzihola!

Ni jeri sasa mimi ninaweza kutsembera!



Haleluya! Mulungu ni Mudzo. Namuvera sana!



Atu kumi vetsuswa, sevyo? Vo chenda vahiko? Vidze mbona kavadzire kudzamushukuru Mulungu?



Ema! Yo imaniyo kaikuhozere tu hacheye, idzikokola pia.

Vilongozi va Ayahudi, kahi za Jerusalemu, vanavahuma ahung' ma vao kpa Jesu, ili vapate kumutsunziza akalaho kahi za charoche. Vavo vanapinga zo kazize mbidzo.

Jesu yunashirikiana na atu venye sifa mbii here viratu azembe, atozi va kodi vahenderavo kazi Arumi...

Masihi yukudzavatsafuta varatu varivoangamika ili avaokole.




Kpa sababu Jesu nikuhoza atu siku ya sabato...

Hola!



Na ahoho yunavahenza chihacheye...

Varicheni vo ahoho vadze kpangu. Ufwalume wa Mulungu ni wa atu dza vava.



Jesu yunehwa ende Betania, chidzidzi chiricho karibu na Jerusalemu. Lazaro ni mukongo. Lazaro hang'menga na nduguze va chiche airi, Marita na Mariamu, ni asena abomu va Jesu. Jesu afikaho Betania yunapata habari kpamba Lazaro wezikpa siku ne zidzizochira...



Bwana, kereho were u haha, ndugu yangu kangefwire.



Nduguyo yundafufuka, Marita.



Ni jeri namanya. Yundafufuka wakati wa ufufulo, siku ya ng'misho.



Mimi ndimi nifufulaye atu na kuvapa uzima. Anaminiye mimi yundaishi. Vidze, unagaamini go Marita?



Ehe Bwana. Mimi naamini kukala uwe ndiwe Masihi, Ng'mana wa Mulungu ariyeambwa yundadza urung'menguni.



Ng'memuzi kahi?



Bwana, nzo wone.



Lola.
Wemuhenza
jerijeri.

Lakini, kangewezere
kuzulia chifo cha
Lazaro.



Kahi za sehemu zizi atu nikulingbalingba sanza vakaikpa
kahi za mbira za kuhenda kutsongba maweni.

Ruseni ro dziwe.



Bwana, kundanuka ii tayari ni
siku ya ne hangu arihozikpa...

Mundaona utukufu
wa Mulungu.



Baba nagomba vivi ili atu varivo
haha, vapate kparamini kukala
uwe ndiwe uriyenihuma.




**Lazaro,
ombola konze!**



Mufuguleni sanza na
mumuriche ende.

Atawali va Jerusalemu vanenjirwa ni wasiwasi zaidi kuhusu Jesu na afuasive.



Mutu yuyu yunahenda miujiza minji muno.

Huchimuricha vivi aendereravyo, atu vosi vandang'mamini, na vo Arumi vandadza huharira hatua.

vandadza vavunze vunze hekalu rehu na kubananga itsi yehu yosi!

Kamumanya kukala ni baha mutu mung'menga afwe kpa ajili ya atu kuriko itsi yosi ibanangbe.




Iyo ndo sababu Jesu lazima aolagbe.

Hangu siku iyo, vilongozi va Ayahudi vachikala vanatsafuta kadzanya ka kumugbira na kumuhirika kpa Arumi ambavo ndo hachiyao venye mamulaka ga komboza adabu ya chifo.


Kuno nyuma, kunahendwa sherehe bomu ko Betania...



Mariam!




Gaga marashi gana tamani bomu.



Gangeweza kuguzwa, vakapewa achia zo pesa.




Richani kumhangaisha yuyu mame! Go adzigohenda, yudzigahenda ili kutayarisha ng'miri wangu kpa mazishi.



Karibuni indakala ni sikukuu ya Pasaka. Makundi ga atu vanasafiri kpenda Jerusalem.



Mudzini Jerusalem, vilongozi vanarya njama ya kung'menjiza magadzani Jesu. Hata vivyo iye yunenda.





Atu vanamukaribisha na njerejere.

Yoyo!

Yoyo!




Naabarikiwe ye adzaye kpa dzina ra Bwana!

Mufwalume wa Iziraeli!




Jerusalemu, kereho ungemanya vyo viwezavyo kukupa amani. Lakini kpenzi.



Huhendedze sasa mambo gachikala vino?

Urung'mengu muzima unamutsafuta.

Hekalu ririro kahi za mudzi uwo mubomu, ndo chitovu cha dini ya Chiyahudi.



Wakati wa sikukuu ya Pasaka, ana ng'onzi nikutsinzwa.



Sehemu ya chila Ng'mana ng'ozi nikombozwa sadaka hekaluni kpa ajili ya atu ili kuvapatanisha na Mulungu.



Lakini ni sadaka yani ya ng'mana ngozi inaweza jeri kuvasira atu dambi zao?



Kahi za muhala wa hekalu atu vanadzishuhulisha na bishara na kubadilisha pesa.



Chizumulo, Jesu naye yunadzomboza.






Nyumba ya Mulungu inapaswa kukala nyumba ya mavoyo, lakini ng'mi mudziigaluzi kukala pangora evi!



Yuyu yumala kukala mutu hatari, lakini atu vanaamini chila neno arigombaro.



Kpa jeri, kahuna budi hutsafute njira ya kung'mangamiza haraka.




Huchimuhendera njama, hunaweza kumupata. Haho ndiho hundamolaga.

Lakini isikale wakati wa sikukuu. Kahwenzi fujo zozosi zihendeke wakati wa sikukuu ya Pasaka.

Mundanipa chasi chani chamba nindamonyesa Jesu?

Yuyu nde Juda, mung'menga wa anafunzive.



Nindamulavya Jesu kpenu.



Hundakupa vipande mirongo mihahu vya fedha, uchihumanyisa Jesu, bei ya mutung'ma.




Jesu yunazihumira sikuze kabila ya sikukuu ya Pasaka kpa kuhubiria atu hekaluni. Iye yunomboza ulombi kpamba Jerusalemu indagba. Chila mutu yundachimbira. Lakini iye yundenderera kuvahenza. Kisha achivamba Petero na Johana vakatayarisha chakurya cha Pasaka.



Wakati wa dziloni, Jesu na anafunzive kumi na airi vanatunganana mudzini ili varye nyambura ya Pasaka.










Nidzitamani sana kurya nyambura ii ya Pasaka hang'menga nang'mi kabila ya kuteseka kpangu.


Venye mamulaka nikuvatawala atu kpa chifua, lakini ng'ming'mi, musihende vivyo kamare.

Ye muhumiki va vosi ndiye andiyekala chilongozi wenu.



Mimi ni kahi yenu here muhumiki.






Hendani vivi mara kpa mara kpa kunikumbukira mimi...



Halani uu mukake, ni ng'miri wangu.



Halani chichi chikombe, ni milatso yangu ing'magikayo kpa ajili yenu. Kpa njira ii, Mulungu yunahenda chilangane chisha nang'mi.



Navapa amuri mbisha, henzanani here nirivyovahenza mimi.



Muchihezana, atu vosi vandamanya kukala mu anafunzi vangu jeri.



Bwana mimi nindakutua hohosi wendaho. Ni tayari hata kufwa kpa ajiliyo.

Petero, kabila jogolo karidzaika undakala udzinikana mara tahu.

Baadaye dziloni riro, Jesu na anafunzive vanawombola wo mudzi. Kuno Yuda kahang'menga navo.

Mimi navaricha, lakini Baba yundavahumira Roho Mutakatifu. Iye yundavasaidia na yundakala nang'mi siku zosi.

Ng'ming'mi munaimanya yo njira ya ko nendako.

Mimi ndimi njira, ndimi ujeri na ndimi uzima, kakuna awezaye kudza kpa Baba asihochirira kpangu.

Kalani haha. Mimi nenda hatua vichiche nikavoye.

Baba, ichikala vinawezekana, nusira mateso gaga.

Lakini isikale mahenzo gangu mimi, bali navikale vyo uhenzavyo



Munawezadze ng'mi kulala wakati mugumu dza uu?
Haya, lamukani. Yuyatu anisalitiye be yufika kare.



Mugbireni ye
nindiyemubusu.



Kunautu,
Ng'malimu!

Yuda, vino unamusaliti
Masihi kpa kumubusu?



Bwana,
hubiganenavo?



Hata, richani.



Jesu yunavaruhusu vamuhale. Anafunzive
vanachimbira chila upande.

Jesu yunahirikpa kpa Kuhani Mubomu Ng'menye, ariye nde chilongozi mubomu wa Ayahudi. Petero na Johana vanamutua kpa kure.



Petero yunahenya ndani ya muhala wa nyumba ya Kuhani Mubomu Ng'menye.



Vidze we kukarire hang'menga naye?



Richa upuzi. Mino hata simumanya mutu iye.

We kumung'menga wao?

Hata! Simumanya.



Nina hakika kabisa, uwe pia wekalaho haratu! Kpani uwe pia u Mugalilaya!

Bwana, simanya unagombani.






Haho kpa haho Jogolo achika!



Jesu achimulola Petero gbi...



Haya, lomba nani akubigaye?



Madzachage, Jesu yunarehwa mbere za baraza ra vilongozi va Chiyahudi.

Vidze, we u Ng'mana wa Mulungu?

Muajeri vyo mugombavyo.




Yunakufuru! Yunafwaa kufwa. Richa Arumi vamuhukumu.

Jesu yunarehwa mbere za gavana wa Chirumi, Pilato. Vilongozi va Chiyahudi vanavachochea aloreri. Vanabiga kululu kuno vanomboza mashitaka tafauti tafauti.



We unambaze kuhusu mashitaka go gosi? Vidze kuna ra kujibu?



Sona kosa rorosi kahi za mutu yuyu. Ni sikukuu ya Pasaka. Nimufugurire ani, Baraba hedu Mufwalume wa Ayahudi?





Vidze udzihen dadze?


Mimi nikudza kuushudia ujeri.



Ujeri ni noni?







Muloleni.
Mutu yuno.

Musulubishe!

Musulubishe!

Musulubishe!



Pilato yunenjiza sahihi hukumu ya chifo.
Adabu ya chifo, kpa kuhenda
kusulubiwa, yere ni adabu ya kutisha
jerijeri. Jesu yunahala musalaba, amba
ndo chombo cha mateso, achichirira
barabara za mudzi wa Jerusalem.



Hatu hahumirwaho
kusulubisha atu ni konze
ya mudzi. Hatu haho
hanaehwa Goligota,
maanaye ni gbeshe ra
chitswa.



Haha shikari vanamugota
Jesu musalabani kuumira
misumari, mikononi na
maguluni.



Kuno nyuma, Juda yunadzuta kuhusu garatu gosi ambago yudzigahenda. Mimi nidzikosera.




Mimi nidzikosa.


Nidzimusaliti mutu asiye na hatia.



Vina huhusu noni fwino? Iyo ni shauriyo?



Jesu yunasulubiwa kahikahi ya evi airi.




Baba, vasamehe kpani kavamanya vahendaro.

Ilani inandikpa kahi za luga tahu na kpikpa dzulu za musalaba wa Jesu, nayo idzandikpa: <<Jesu Mufwalume wa Ayahudi.>>



Jesu yunakahala chinwadzi chenye kuzizimisha maumivu...



Shikari vanazibigira kura nguo za Jesu.



Vidze, kaokorere atu anjine?



Ichikala uwe u Ng'mana wa Mulungu, tima kula ho musalabani!

Dzokole we ng'menye na fwifwi pia!

We kumogoha Mulungu hata chidogo. Fwifwi hunagapata go huviryago kupata, ela mutu yuyu kahendere rorosi rii.



Nimbukira wakati wenjiraho kahi za ufwalumewo.



Nakpambira kpa hakika, vivi rero undakala hang'menga nami pehoni.

Irihofika saa tandahu za mutsana, dzua richigbirwa ni goloa. Chiza chichichitana kpa masaa mahahu.



Mariamumu, mameye Jesu, na Johana ng'manafunzi wa Jesu vemire hehi na wo musalaba wa Jesu.

Vivi ng'ming'mi mu mutu na mameye.




Mulungu wangu, Mulungu wangu, mbona udziniricha?



Nina.... chihu.



Baba, roho yangu nayika mikononi ng'mako.



Gadzi....timira.

Jesu yunafwa saa chenda za mutsana. Shikari mung'menga yunamuhumbula Jesu lwavuni, milatso na madzi vinombola.



Maandiko ganaamba: <<Welongozwa here ng'onzi kpenda tsinzwa>>.



<<Wejeruhiwa kpa sababu ya dambi zehu.>> Lakini sasa yudzefwa.




Vidze, yuno nde Masihi ariyetarajiwa kudza au seye?



Haya, hindeni hukavoye ruhusa ya kpenda muzika.



Josefu kula mudzi wa Arimatea na Nikodemo vanauhala ng'miri wa Jesu. Vanaulingalinga sanza hang'menga na manukato, na kuwika mbirani. Vanaika dziwe bomu ho mulomoni ha yo mbira.



Baada ya chipindi cha koya cha Pasaka, sehemu ya anaache, vachikala vanahuzuni sana, vachenda mbirani.



Dziwe zidzipingilishwa kure na mbira!

Kpa noni munamutsafuta ariyemoyo kahi za afwadzi? Yufufuka! Nendani mukavambire anafunzive.




Kudzasikira vivyo, Petero na Johana vachitimula malo kpenda mbirani.



Hachirani?

Mbira ni tuhu!





Siku iyo, afuasi airi va Jesu, vachikala vanunzika myoyo. Vanapatana na muchizi wa njira, kuno vanasumurira mautu dzulu za kolagba kpa Jesu.

Vidze, ng'mi kumbe kamugaamini go garigonenwa ni vo alombi? Vidze were kavivirya Masihi kuteswa? Gago gosi geandikpa kahi za Maandiko Matakatifu.



Chizumulo, wakati wa chakurya, mujeni wao achivangamika matsoni...

Lakini, yuyu were ni Jesu ng'menye!



Vanauka mara ng'menga kpenda vatsafuta afuasi anjine va Jesu.

Hudzimon a Bwana!

Mariamu na Petero navo pia vadzimona!



Chizumulo...

Navavoyer a amani.



Vidze, ng'mi kang'mamini kukala mino ndimi? Iloleni mikono yangu na magulu gangu.



Bwana wangu na Mulungu wangu!



Jesu yunavomborera afuasive siku 40 mufululizo. Hata yunadzonyesa kpa atu 500 kpa wakati mung'menga. Siku ng'menga sehemu ya anafunzi vere vanavuha samaki kahi za zia ra Galilaya...

Vidze, munachakurya chochosi hano?

Hataa, kahugbirire chochosi?

Hedu, zitsuheni zo nyavu zenu luhande lunjine lwa ro dau.

Lo! Samaki anji jeri jeri!

Ni Bwana yuyu!

Ng'malimu!

Vidze, munadza murye nami?



Vidze, Petero unanihenza jeri?



Jesu yunamuza Petero swali dza riro mara tahu...



Ndevyo, Bwana uwe unamanya kukala ninakuhenza.

Tsunza kondoo vangu.



Nitua!

Nidzipewa mamulaka gosi mulunguni na duniani. Nendani urung'menguni mukavahende atu va itsi zosi vakale anafunzi vangu. Vabatizeni kpa dzina ra Baba, ra Ng'mana na ra Roho Mutakatifu, na vafundisheni kugagbira malagizo gosi nirigong'mambira.



Kumbukirani tu kukala mimi ni hang'menga nang'mi chila siku, hata ng'misho wa urung'mengu.

Baadaya maneno gaga Jesu yunauka duniani na yunahwalwa dzulu mulunguni. Lakini pia yunaamba kukala yundauya kuvahukumu atu vosi...

Jesu yudzuka. Afuasive vanabaki kahi za mudzi wa Jerusalemu, vachivoya. Roho Mutakatifu, Roho wa Mulungu yunavadzirira na kpenjira ng'mao ndani. Roho yuyatu yuyatu ariyekala ndani ng'ma Jesu sasa pia yunaisha ndani yao. Yunavawezesha kukala atu asha ambavo vanomboza ushahidi imara kumuhusu Jesu.

Sikizani ng'mi atu, chifo kachiwezere kumuzulia Jesu. Mulungu wemufufula na achimuhendya Bwana wa mabwana.



Afuasi va Jesu vanenda chila hatu urung'menguni hata idzahokala kuna upinzani mukali.

Jesu ni Ng'mana wa Mulungu!



Moro uu pia wetangazwa kuchirira barua.

Wezihala dambi zehu kahi za ng'miriwe ng'menye arihofwa musalabani. Iyo ndiyo sababu hudziifwerera dambi hangu vivi na kpendererera, na kula sasa hunaweza kuishi here viratu Mulungu



Sasa afuasi va Jesu hohosi urung'menguni, nikutunganana na kuvoya hang'menga na kusoma Bibilia. Vanaumega mukahe na kushirikiana kahi za chikombe cha divai here kumbukumbu ya chifo cha Jesu. Vanashirikiana uhenzo wa Mulungu, uriwo ndani ya myoyo yao na majirani gao.

Jesu yudzivawezesha
atu vatimize makusudi
ga Mulungu.



Jesu yunakuhenza!
Mushukuru na
ung'mabudu!



Mulungu yunauhenza
urung'mengu chasi cha kukala
wemuhuma Ng'manawe wa
hacheye. Yeyosi ang'maminiye
iye kandaweza keheri
kpangamika, bali yundakala na
uzima wa kare na kare.

BIBILIA

Hadisi ya Jesu ni kumbukumbu kahi za Bibilia. Kakuna chitabu chinjine chirichosong' ma na chisong' macho vivi sasa, mara nyinji zaidi kuriko Bibilia. Ni chitabu chidzichodzala vitabu. Yehala miaka 1500 kbandika vivi vitabu vyosi. Bibilia yekamilika miaka 1900 iriyochira. Inajumulisha chila aina ya hadisi kuhusu vyo Mulungu arivyodzifunula kahi za maisha ga atu. Hadisi ya Jesu inonyesa zaidi Mulungu nani.


HISTORIA YA JESU

Bibilia inajumulisha vitabu vine ambavyo vinaeleza maisha ga Jesu. Vitabu vivi vidzihadzwa kutuana na madzina ga v_{ariyo} vyandika. Aandishi v_{osi} v_{eishi} wakati wa Jesu.

1. Matayo - mufuasi wa Jesu. Wehenda kazi here Mutozi wa kodi. Yunaeleza kpa undani vyo Jesu arivyov_{ashughulikira} atu v_a Iziraeli (Ayahudi).

2. Mariko - bado were ni chijana wakati ambaho Yesu were yunahenda kazi. Weandika chidogo sana kuhusu miujiza ariyoihenda Jesu.

3. Luka wekala dakatari. Iye binafasi kamumanyire Jesu. Luka yuneleza vyo Jesu arivyodzishuhulisha na atu.



4. Johana - iye pia wekala mufuasi wa Jesu. Iye yunonyesa hasa Jesu nani. Jesu ni Mulungu ambaye wekala ng' manadamu ili adze a_{yaike} huru atu kula kahi za dambi.

KUVYALWA KPA JESU

Mameye Jesu, Mariamu, wekala bado kadzahalwa wakati Jesu arihovyalwa. Were bado ni ng'manang'mali. Mupango wa Mulungu were ni kpamba Jesu avyalwe. Muujiza uwo wetangazwa kahi za vitabu vya kapindi kabila ya wakati wa Jesu. Jesu kavyarirwe here shujaa au mutu muhimu. Wevyalwa hatu ha kupa ng'ombe chakurya kpa kukala kakukarire na chumba chihuhu, vyumba vyosi vyere vidzala ajeni.

MIUJIZA YA JESU

Jesu wehenda miujiza minji. Bibilia inahadza weyahozwa atu zaidi ya mara 40. Kpa njira ya chimiujiza, Jesu weonyesa nguvu za Mulungu na uhenzowe. Weonyesa kukala Mulungu yunamala kuyasaidia atu na kuyahendya yakale na raha.



CHIFO CHA JESU NA KUFUFUKAKPE



Kpa noni Jesu wefwa? Maelezo gadzombozwa kahi za Bibilia.

Wakati munjine atu yosi hunahenda makosa. Mambo ambago kagamuhamira Mulungu na kumuhendya akale na hasira na kusononeka. Mambo gago ganehwa dambi. Dambi zosi zinaweza kumuzulia mutu kukala musena wa Mulungu.

Iyo ndo sababu Jesu wekudza. Kpa kudzombozakpe Jesu wehala iye ng'menye adabu ya dambi zehu. Adabu iyo yere ni chifo. Hangu Jesu afwe kpa ajili yehu, hunaweza kukala asena keheri na Mulungu. Lakini hunahenzekana huvoye musamaha kpa makosa hurigohenda.

Jesu wefufuka kula chifoni. Mulungu wemudzya moyo kaheri. Kpa dzambo riri Mulungu wehonyesa kpamba iye yuna uwezo zaidi kuriko chifo.

Vivi Jesu yunaishi na Mulungu. Na kpa kukala yunaishi, chila wakati yunaweza kukala musena wehu. Yunahenza kuhwawiza fwifwi kuishi kahi za njira ambayo inamuhenzeza Mulungu.

MAVOYO

Chikala unasononeka kpa makosa urigohenda na uchikala unamala ukale musena wa Mulungu, unaweza kuvoya voyo dza riri:

<<Mulungu ng'menye uhenzo, unanihenza

Wemuhuma Jesu, Ng'manao wa hacheye.

Wefwa musalabani kpa makosa gangu gosi nirigohenda.

Navoya unisamehe kpa makosa nirigogahenda.

Asante kpa kukala Jesu u upande wangu.

Chila wakati nahenza nikale maliyo.

Navoya unawize niishi maisha go uhenzago niishi.

Kala hehi nami chila wakati.

Asante kpa kujibu mavoyo gangu.

Uwe unahenda chila uahidicho!>>

JESU NA UWE

Hadisi ya Jesu ina ng'misho wa lwazu. Jesu were ni musena wa atu anji sana, hata sasa. Dunia idzibadilika. Atu anji ka_vasafiri kpa kupanda punda hedu farasi ela vanahumira gari na ndege. Lakini ii kaihenda kukala tafauti kpa Jesu. Yunaweza kukala nafwi here arivyokala achitsembera kahi za Iziraeli. Konekana lakini iye yukuko jeri. Yunamala kukala musenao vivi rero. Musikize na unaweza kumuhenza iye.

Vidze unamala umanye zaidi kuhusu Jesu na maishage? Unaweza kuhenda gaga gatuago:

1. Anza kusoma Bibilia uwe ng'menye.

(kpa mufwano: anza kusoma chitabu chirichoandikpa ni Luka).

2. Anza kuvoya

(gomba na Mulungu na umusikize-kunalazima kuhumira maneno muhimu).

3. Vambire atu anjine kuhusu

Jesu na Bibilia. Jesu yunamala afuasiye vatunganane hang'menga na kpenjizana moyo na kudzifundisha zaidi kuhusu iye.



Maswali

1. Jesu siyu yunadza (p.1-3)(Mat 3:1-17)

- Kpa noni atu yetunganana kandakanda ya muho?
- Johana weyamba atu yahendedze kahi za kutayarisha kpa kudza kpa ufwalume wa Mulungu?

2. Viha visivyoonekana (p.4-5)(Mat 4:1-12)

- Baada ya Jesu kubatizwa, Roho Mutakatifu wemuhirikahi?
- Jesu wehendadze arihokala nyikani?
- Shetani wemujeza Jesu kpa njira zani?
- Jesu wejibedze majezo ga Shetani?

3. Harusi ya Kana (p.6-7)(Joh 2:1-11)

- Kpa noni Jesu wekpenda Kana?
- Jesu wehenda muujiza wani ko Kana?

4. Nitua (p.8-9)(Mat 4:12-22)

- Jesu weng'mamba Petero ahendedze? Petero arihotii kpehendeka utu wani?
- Nituani ili kpamba nimuhendye avuhi ya atu. Unawezadze kuyareha atu kpa Kiristo?

5. Baha (p.10-11)(Mat 5:1-16)

- Vo Yateswayo na konerwa kpa ajili ya ufwalume wa Mulungu vandahochera baraka zani?
- Hunahenzekana huyahendedze mahadui yehu?

6. Kuhozwa (p.12-13)(Luk 5:17-25, 6:6-11)

- Ni mafundisho gani madzo hugapatago kula kpa asena ya ye mutu mukongo?
- Hadza mambo mairi muhimu Jesu arigomuhendera ye mutu mukongo?

7. Hang'menga na Jesu dauni (p.14-15)(Mat 8:23-27)

- Vo anafunzi vepata shida yani varihokala ndani ya dau?
- Jesu weisuluhishadze yo shida na hunadzifundisha noni kuhusu uwezo wa Jesu?

8. Huru kula kpa nguvu za Shetani (p.16-17)(Mar 5:1-20)

- Varihofika nying'amo ya hiri ya muho yemona ani? Jesu wemuhenera noni ye mutu?
- Jesu weng'mamba ye mutu ahendedze?

9. Malengo (p.18-19)(Mat 9:35-10:4)

- Jesu wekpenda voya hiko? Ni fundisho rani ridzo uwezaro kupata kpa dzambo rino?

10. Jesu yunomboza vyakutosha (p.20-21)(Joh 6:1_15)

- Jesu wehenda noni konyesa kukala yuna huruma na atu?

11. Amini hedu uhauke (p.22-24)(Mat 14 :22-33, Joh 6:22-40, 60-69)

- Kpa noni Petero weanza kuzama?
- Jesu arihoyauza anafunziye ichikala nayo pia yanamala kpenda zao, jibu rao rere ni noni? Unadzifundisha noni kula kpa vyo?

12. Hala musalabao! (p.25)(Mat 16:13-28)

- Jesu arihoyauza anafunziye kpamba yanaamba kukala iye nani, jibu rao were ni noni?
- Jesu weamba yo vandiyomutua ni yahendedze?

13. Kala na shukurani! (p.26-27)(Luk 17:11-19)

- Nani ariyemurai Jesu amuhoze?
- Mulungu yanamala huhendeze ajibuho mavoyo gehu?

14. Kala here muhoho (p.28)(Luk 19:1-10, Mat 19:13-15)

- Kpa noni vilongozi ya Chiyahudi vevahendya atung'ma yao yamutue Jesu?

15. Jesu yunalavya uzima (p.29-30)(Joh 11:17-44)

- Jesu were yunamaanisha noni arihoamba kukala iye ni ufufulo na uzima?

16. Sutu afwe! (p.31-31)(Joh 11:45-54)

- Nani ariyefufulwa ni Jesu?
- Kpa noni vilongozi ya Chiyahudi yemutsukirirwa Jesu na anafunziye?

17. Kumuishimu Jesu (p.32-32)(Joh 12:1-11)

- Jesu weambadze ho Mariamu arihokala yudzimung'magira mafuha maguluge?

18. Mufwalume mupore (p.33-34)(Luk 19:29-44)

- Kpa noni Jesu wepanda punda arihoenjira Jerusalemu?
- Ni ng'mana kondoo hiye wa sadaka awezaye kuhusira dambi?

19. Utakaso mubomu (p.35-36)(Luk 19:45-45)

- Kpa noni Jesu weyatsukirirwa atu, arihoenjira hekaluni?

20. Musaliti (p.37-38)(Mat 26 :14-19)

- Nani ariyehala pesa na achimuguza Jesu?

21. Kojesa magulu (p.39-40)(Joh 13:1-35)

- Umuhimu wa sherehe ya Pasaka ni noni?
- Jesu were yunamanisha noni arihoamba kukala ye amalaye kukala mubomu sutu akale muhumiki?

22. Meza ya Bwana (p.41)(Mat 26:26-30, Joh 13:34-38)

- Jesu were yunamaanisha noni arihoamba uu ni ng'miri wangu na ii divai ni damu yangu?
- Jesu weamba yo anafunziye sutu yahende noni konyesa kukala yayo ni anafunziye jeri?

23. Kugbirwa (p.42-43)(Joh 14:1-31, Mat 26:36-56)

- Jesu weamba babaye yundavapa noni?
- Jesu were yunamaamisha noni arihoamba kukala, <<Mimi ndimi njira, ujeri, na uzima>>.

24. Kesi (p.44-45)(Mat 26:57-75)

- Nani ariyekana kukala yunamumanya Jesu?
- Mukiristo yunaweza kumukana Jesu kpa kuhendadze?

25. Hukumu ya chifo (p.46-47)(Mat 27:11-30, Joh 18:28-40)

- Kpa noni Jesu wegbirwa?

26. Kpenda Musalabani (p.48)(Joh 19:1-18)

- Jesu weng'mambira Babaye ayahendedze yo atu variyo musulubisha?
- Hunadzifundisha noni kula kpa dzambo rino?

27. Kulaniwa (p.49)(Mat 27:3-10,Luk 23:32-34)

- Nani ariyemuguza Jesu kpa pesa?

28. Jesu yunafwa (p.50-51)(Luk 23:32-46, Mat 27:46-50,Joh 19:25-30)

- Nani kahi ya yo evi ariyeahidiwa ni Jesu kukala yundakala naye Pehoni?

29. Sadaka ya Jesu (p.52)(Joh 19:31-42)

- Ni utu wani wa ng'misho Jesu ariwouhenda kabila ya kukata roho?

30. Jesu yunaishi! (p.53-54)(Mar 16:1-9, Joh 20:1-18)

- Anaache varihofika mbirani siku ya hahu, malaika weyambirani?

31. Jesu hang'menga nafwi (p.55)(Luk 24:13-43, Joh 20:19-29)

- Jesu arihomomborera Mariamu, weng'mambira noni?

32. Kahana <<Mimi kpanza>> (p.56-57)(Joh 21:1-19, Mat 28:16-20)

- Jesu weng'mambira Petero na anafunzi anjine yehendedze?

33. Mashahidi (p.58)(Mahe 2 :22-39)

- Wakati anafunzi varihotunganana hang'menga kuvoya, yehochera noni kula kpa Mulungu?

34. Mulungu yuhehi (p.59)(Aefe 1:1-15)

- Ni utu wani wonyesawo kukala Mulungu yunauhenza urung'mengu?

Translation by: Bible Translation and Literacy (E.A)

Translators: 1. Baraka Lewa Mugunya

2. Michael Mung'aro Mwangi

3. Stephen Lewa Mwasambu

e-mail: chonyi@btlkenya.org

P.O Box: 44456-00100, Nairobi, Kenya

Website: www.chichonyi.com

Text and illustrations: Willem de Vink Copyright © 1993 Stichting Wereldtaal, Houten, The Netherlands. Published in Dutch as "Jezus Messias".

Edition in Chonyi (Kenya) © 2020

Digital copyright under the terms of the Creative Commons BY-SA license

All rights of translation, reproduction and adaptation reserved for all countries.

e-mail : jmpbk.app@gmail.com

https://www.jesussmessiahcomicmedia.com

JESU MASIHI Ii ni hadisi ya jeri ya Jesu Masihi. Weishi Iziraeli miaka 2000 iriyochira. Chila mutu ariyekutana naye weangalazika. Kakuna mutu ariyehenda dza go arigogahenda iye. Kakuna mutu ariyegomba dza go arigogomba iye. Miujiza yehendeka ho Jesu arihokala. Na wereha furaha na furaha kpa yosi ariyokala nayo na kpa yo yariyomusikiza. Chizumulo ichikala ndo ng'misho. Mahaduiye yemolaga. Lakini vivyo kavikarire ndo ng'misho. Soma we ng'menye viratu virivyokala na ulole viratu hadisi ya Jesu Masihi yendereravyo.



Luga: Chichonyi

Language: Chonyi (Kenya)

ISBN: 978-94-93178-28-1